

# BOSNA I HERCEGOVINA

Federacija Bosne i Hercegovine

Zeničko-dobojski kanton

Grad Zenica

**Javna ustanova Bosansko narodno pozorište Zenica**

Trg BiH 3, 72000 Zenica

U skladu sa odredbama Zakona o radu FBiH („Službene novine Federacije BiH“, br. 26/16), članovima 36. stav (1), 59., 61. stav (1) i 65. Zakona o pozorišnoj djelatnosti ZDK ("Službene novine Zeničko-dobojskog kantona“, br. 04/16), članovima 31. i 33. Pravila, te članovima 4., 5. stav (1), 7. i 10. Pravilnika o radu JU Bosansko narodno pozorište Zenica sa izmjenama po aktu broj 1046/15, a na osnovu odluka o potrebi prijema u radni odnos (br. 798/17 i 799/17), odluka Upravnog odbora o davanju saglasnosti (br. 804/17 i 805/17) i Zaključka (br. 1092/17-02), te shodno Saglasnosti Grada Zenica br. 02-49-16323/17 (br. 926/17) JU Bosansko narodno pozorište Zenica, temeljem Odluke o raspisivanju javnog Konkursa (br. 195/18), objavljuje

## KONKURS za prijem u radni odnos

Na osnovu prethodno utvrđene potrebe o zasnivanju radnog odnosa na upražnjena radna mjesta u Javnoj ustanovi Bosansko narodno pozorište Zenica (JU BNP Zenica) - organizacione radne jedinice *Drama* (Umjetnički sektor) i *Zajednički poslovi* (Opći sektor) raspisuje se javni Konkurs za slijedeća radna mjesta:

1. **Dramski umjetnik - glumac**.....jedan (1) izvršilac na određeno vrijeme i
2. **Lektor / saradnik za protokol i odnose sa javnošću**.....jedan (1) izvršilac na neodređeno vrijeme.

Pored općih uvjeta predviđenih zakonom, kandidati trebaju ispunjavati i posebne uvjete.

### Za radno mjesto pod rednim brojem 1 (pozorišni umjetnik):

- završen najmanje prvi ciklus studija na univerzitetkom umjetničkom studijskom programu *gluma*, odnosno visoka stručna sprema (VSS) stečena nakon završenog studija na studijskom programu/odsijeku *gluma*  
i/ili priznati glumac sa najmanje deset (10) godina radnog iskustva na poslovima traženog radnog mjesta i
- učešće u umjetničkim projektima realiziranim u profesionalnim pozorišnim produkcijama.

Kandidati za radno mjesto pod rednim brojem 1 su, uz prijavu, dužni dostaviti i slijedeće:

- ovjerena kopija diplome i/ili dokaz o radnom stažu na poslovima traženog radnog mjesta (potvrda o radnom stažu, uvjerenje o završenom pripravničkom stažu ili drugi važeći dokument);
- detaljan profesionalni životopis sa posebnim osvrtom na radno umjetničko iskustvo u projektima pozorišne produkcije;
- popunjen prijavni obrazac/dodatak prijavi sa podacima koji se odnose na dosadašnji glumački rad i realizirana glumačka ostvarenja kandidata;
- tri (3) preporuke pozorišnih umjetnika i stručnjaka sa reputacijom u pozorišnoj djelatnosti i umjetničkoj produkciji;
- dokazi i potvrde o osvojenim nagradama i priznanjima za ostvarenja u pozorišnoj umjetnosti (ukoliko ih umjetnik ima);
- potvrde o učešću u programima dramske i umjetničke edukacije (ukoliko ih umjetnik ima);
- potvrde o učešću u međunarodnim pozorišnim projektima (ukoliko ih umjetnik ima);
- kandidati koji umjesto univerzitetske diplome (VSS) imaju srednju stručnu spremu (SSS), u skladu sa članom 21. Pravilnika o radu JU BNP Zenica, moraju imati najmanje deset (10) godina radnog iskustva na poslovima *dramski umjetnik - glumac*, uz dokaze o rezultatima rada i preporuku direktora Pozorišta.

### Za radno mjesto pod rednim brojem 2 (pozorišni radnik koji nije pozorišni umjetnik):

- završen najmanje prvi ciklus (ili visoka stručna sprema - VSS, prema ranijem sistemu studiranja) studija bosanskog/hrvatskog/srpskog jezika i/ili književnosti u najmanje četverogodišnjem trajanju (240 ECTS bodova);

- najmanje jedna (1) godina radnog staža na istim ili sličnim poslovima u pozorišnoj i/ili umjetničkoj produkciji;
- poznavanje engleskog jezika;
- poželjno poznavanje još jednog svjetskog jezika (njemački, francuski, španski, talijanski, ruski, arapski ili turski jezik).

Kandidati za radno mjesto pod rednim brojem 2 su, uz prijavu, dužni dostaviti i sljedeće:

- ovjerena kopija univerzitetske diplome;
- dokaz o radnom iskustvu na istim ili sličnim poslovima traženog radnog mjesta u pozorišnoj i/ili umjetničkoj produkciji (potvrda o radnom stažu, uvjerenje o završenom pripravnničkom stažu ili drugi važeći dokument);
- detaljan profesionalni životopis sa posebnim osvrtom na iskustvo u radu na projektima pozorišne produkcije - lektorisanje i poslovi odnosa sa javnošću;
- tri (3) preporuke stručnih lica sa reputacijom u oblasti umjetničke produkcije i/ili odnosa sa javnošću u kulturi;
- certifikat o poznavanju engleskog jezika - najmanje B1 nivo u odnosu na Zajednički europski referentni okvir za jezike (CEFRL);
- certifikat o poznavanju drugog svjetskog jezika - najmanje srednji (B1) nivo (ukoliko kandidat posjeduje).

Kandidati za oba radna mjesta (r. br. 1 i 2), uz prijavu i gore navedene dokumente, dužni su predati i:

- izvod iz matične knjige rođenih i
- uvjerenje o državljanstvu (ne starije od šest mjeseci).

Na osnovu Preporuke o transparentnosti i socijalnom aspektu zapošljavanja Gradonačelnika Zenice br. 02-49-593/17, u slučaju da kandidati ostvare jednak broj bodova na osnovu prethodno definiranih uvjeta i dostavljene dokumentacije, prednost se može dati kandidatima socijalnog i posebnog statusa koji su: članovi domaćinstva bez prihoda, članovi porodice poginulog borca ili šehida, odnosno ratnog vojnog invalida.

U skladu sa prethodnim, prijavljeni kandidati mogu dostaviti jedan od sljedećih dokaza:

- ovjerena kućna lista;
- uvjerenje nadležnog organa o pripadnosti porodici poginulog borca ili šehida, odnosno ratnog vojnog invalida - ovjerena kopija ili original.

Primljeni kandidat za radno mjesto pod rednim broj 1 (pozorišni umjetnik), po završetku konkursne procedure zasnovat će radni odnos na određeno vrijeme u trajanju od dvije (2) godine, uz mogućnost produženja ugovora, u skladu sa članom 22. stav (1) tačka b. Zakona o radu FBiH, članovima 61. i 63. stavovi (1) i (2) Zakona o pozorišnoj djelatnosti ZDK, te članom 7. stav (1) Pravilnika o radu JU BNP Zenica.

Primljeni kandidat za radno mjesto pod rednim broj 2 (pozorišni radnik koji nije pozorišni umjetnik), po završetku konkursne procedure zasnovat će radni odnos na neodređeno vrijeme, uz probni rad u trajanju od šest (6) mjeseci, u skladu sa članovima 21. i 22. stav (1) tačka a. Zakona o radu FBiH, članom 65. Zakona o pozorišnoj djelatnosti ZDK, te članom 10. Pravilnika o radu JU BNP Zenica.

Po okončanju konkursne procedure u skladu sa zakonskim i podzakonskim aktima, radni odnos sa primljenim izvršiocima na dva navedena radna mjesta zasniva se počevši od 01. 5. 2018. godine.

Uz Prijavu na Konkurs i priloženu traženu konkursnu dokumentaciju, kandidati za radno mjesto pod rednim brojem 1. trebaju dostaviti i *Dodatak prijavi* sa podacima koji se odnose na dosadašnji umjetnički glumački rad i realizirana glumačka ostvarenja kandidata, a prema uputama koje se mogu preuzeti na internetskoj stranici [www.bnp.ba](http://www.bnp.ba) ili u Sekretarijatu Pozorišta svakog radnog dana od 9 do 15 sati.

Preporuke kandidatima za radno mjesto pod rednim brojem 1 trebaju izraditi eminentni i priznati pozorišni umjetnici i dramski pedagozi iz zemlje ili inostranstva koji su u toku umjetničkog ili nastavnog procesa rada na pozorišnoj predstavi / umjetničkom projektu sarađivali sa kandidatom. Preporuke kandidatima za radno mjesto pod rednim brojem 2 trebaju izraditi eminentni i priznati djelatnici u kulturi iz zemlje ili inostranstva koji su u toku profesionalnog ili nastavnog procesa rada na pozorišnim / umjetničkim projektima sarađivali sa kandidatom, osobito u segmentu lektorskih ili poslova odnosa sa javnošću u kulturi.

Prijavu sa svim pratećim dokumentima i materijalima potrebno je poslati poštom na adresu:

**Javna ustanova Bosansko narodno pozorište Zenica**

(uz napomenu: „*Prijava na Konkurs - ne otvarati*“

- sa naznakom naziva radnog mjesta na koji se prijava odnosi)

**Trg Bosne i Hercegovine broj 3**

**72000 Zenica**

Sa kandidatima koji blagovremeno dostave potpune prijave će biti obavljani: intervju i audicija (radno mjesto pod rednim brojem 1), odnosno intervju i stručno testiranje (radno mjesto pod rednim brojem 2), o čijem će terminu i satnici održavanja kandidati biti blagovremeno obaviješteni. Konkursnu proceduru će provesti stručno komisijsko tijelo u skladu sa prethodno utvrđenim Kriterijima za vrednovanje prijave, postupak, način organiziranja i vođenja i utvrđivanju sistema bodovanja za kandidate.

Neblagovremene, nepotpune i prijave kandidata koji ne ispunjavaju opće i posebne uvjete neće se uzimati u razmatranje.

Konkurs ostaje otvoren petnaest (15) dana od dana njegovog objavljivanja u dnevnim novinama, a bit će objavljen i na Oglasnoj ploči i internetskoj stranici Pozorišta ([www.bnp.ba](http://www.bnp.ba)), internetskoj stranici Grada Zenica ([www.zenica.ba](http://www.zenica.ba)), kao i na Oglasnoj ploči Službe za zapošljavanje ZDK - Biro rada Zenica.

Gramatička terminologija korištenja muškog i ženskog roda za pojmove u ovom konkursnom tekstu uključuje oba roda.

Konkurs je objavljen u bh. dnevnom listu „Oslobođenje“ u četvrtak, 15. marta/ožujka 2018. godine.